



partii naleraq

UKA2015/55
11.nov 2015

Meeqqanut suli atualingitsunut perorsaanikkut inerikkiartuutaasunik ulluunerani neqeroorutitut pissarsinissamat utaqqisarnerup qaammatinik immikkut aalajangersarneqartunik qaangerneqaqqusaajunnaarnissaa anguniarlugu, Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaanni nr. 16, 3. december 2012-imeersumi § 5-ip allanngortinneqarnissaa pillugu Naalackersuisut peqquneqarnissaannik Inatsisartut aalajangiiffigisassaattut siunnersuut.
(Tillie Martinussen, Demokraatit)

Inatsisartunut ilaasortaq Tillie Martinussen Demokraatit aalajangiiffigisassamik siunnersuuteqarpoq meeqqanut atualingitsunut perorsaanikkut inerikkiartuutaasunik utaqqisarnerup killiliiffigalugu aalajangersaasoqarnissaanik tamannalu Partii Naleqqamiit oqaaseqarfigissavarput.

Nunatsinni meerartatta isumannatsumik pissarsiffiusumillu atualinginnerminni perorsaanikkut inerikkiartuutaasunik suliniarfigneqarnissaat pissusissamisoortutut isigaarput, periarfissallu meeqqat suliniarfigneqarneranni annertusartuarnissaat naalackersuinikkut ataatsimoorullugu suliniutiginiartuartariaqarmat.

Meeqqat atualingitsut ullummikkut utaqqisutut allatsissimasut Naalackersuisqarfiup akissutaani ilumut piviusuunersut aamma apeqqusertariaqarput, tassami nuanqarfinni utaqqisut ilaatigut allattikkiartorneq ajormata nalunnginnamikku periarfissaqartinneqaratik.

Kommunit nalunngilarput tamanna pisussaaffigigaat kisianni nalunngilarput aamma tamanna kommunit kisimiillutik naammassisinnaangikkat, taamaattumik sanaartornikkut aningaasalersuineri annertuumik Naalackersuisut peqataajuarnissaat kammattuutigaarput. Utaqqisummi ikigisassaangitsut akissummi takuarput.

Naalackersuisup akissutaani takusinnaavarput utaqqisut amerlassusii takussutissatut allattorneqarsimasut Partii Naleqqamiillu ilimagaarput suli amerlanerusut tamarmimmi nalunaarneq ajormata.

Taavalu naalackersuisut akissutaani oqaatigineqarpoq kommunit pisussaaffii aalajangersorneqareersimasut aammalu qularnaarinninnissamik pisussaaffeqartut, taamaallillutik utaqqisarnerit pinngitsoortinneqarsinnaallutik.

Kisiannili tassa inatsit malinneqanngilaq tamanna Naalackersuisut qanoq iliuseqarfiginiarpaat inatsisimmimmi kommunit malinnginngippata aamma ilungersunarmat paaserusupparput arlaatigut

qanoq iliuseqartoqarniarnersoq. Tassami akissummi oqaatigineqarmat inatsisip maannakkut utaqqisarneq 0-mut killeqartikka kisiannili takuarput utaqqisorpassuaqartoq.

Meeqquqeriveqarnikkut nunaqarfanni illoqarfannilu minnerusuni suli pisariaqartitsineq ilaatigut annertuujusinnaavoq pissutsillu pitsaanerulernissaannut qanoq ikioqatigiittoqarsinnaanersoq isummersorfiginerulertariaqarparput, tassami inatsimmik tunngavilimmik malinneqanngitsummillu inatsiseqarsinnaannginnata.

Sulliffeqarnikkummi ingerlalluassagaanni angajoqqaat meerartallit toqqissillutik suliffimmini ilaatigullu suliffissarsiornissaminni meerartamik paaqqinniffissaqarnissaat pingaartorujussummaat taamaattumik meeqqiveqarnikkut pissutsit atugassarititaasullu pitsanngorsartuariaqarput.

Kiisalu ilanngullugu eqqaaniarparput angajoqqaanut meerartalinnut meeqqerivinniititsinermi akit qaffasippallaarnerat angajoqqaanut oqitsuinnaanngitsumik akinik nammatitsisartoq oqilisaaffigineqartariaqartoq. Tamannalu siunissami anguniartariaqarparput kommunit Namminersorlutillu oqartussat suleqatigiillutik sapinngisamimmi tamanut akit appasinnerpaat akiliisoqartarnissaanik anguniagarnissamut.

Taamatut oqaaseqarluta Partii Naleqqamiit siunnersuuteqartup saqqummiussaa isumaqatigalugu ataatsimiititaliami suliarineqarnissaa innersuussutigaarput.

Hans Enoksen